

SECCION AMENA.

CHAKURRA TA ARAGI ZATIA.

IPUIA.

Chakur batek bere aoan aragi zati bat zedukala, igaro nai izan zuen Ibaia batetik bestera.

Igerian zijoala, ekusi zuen uretan aoan zeraman okela zatiaren keriza, ta begitandu zitzaion zala benetako aragia. Damu ematen zion ez arrapatzea, ta azturik aoan zeramanaz, murgildu edo mus eginik uretan, dendatu zan arrapatzera;

idiki zuen onetarako aoa, erori zitzaion aoan zedukan aragia; keriz utsari kolpe egin da, ez zuen ezer atera ta galdu zuen berea. Abiatu zan amorruz esaten: ¿zêrk erabilli nau geiagoren billa? Zori-gaiztoan galdu det nerean.


Ipui onek esan naidu pakean gorde bear degula garbiró deguna. Galdu oi dala bide onez dagoana, geiegi iduki naiz. Obe dala, esan oi dan bezela, echa-chori edo kurro bat eskuan arrano egatua baño; guzia billatzea dala guzia galtzea, bakoitzak eutsi bear diola bereari ta larga iñorenari.

VICENTA MOGUEL TA ELGUEZABAL.

III^{garren} SOMAKETAREN ASKANTZA:

PELOTA.

III^{garren} MUTADIA EDO ISITZA:



Askantza urrengo lumero edo liburuchuan.

